

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa, po ovlaštenju premijera Kantona Sarajevo, ministar Dr. sc. Omer Osmanović, (u daljem tekstu: Ugovorni organ) i

“HP HIDROJEKT“ d.o.o. Sarajevo, ulica Srđana Aleksića broj 2/B, ID broj 44201327790005, koje zastupa direktor Čaušević Selim, (daljem tekstu: Dobavljač)

zaključili su:

UGOVOR

za nabavku usluga projektovanja, projektantskih usluga i usluga nadzora za potrebe Ministarstva unutrašnjih poslova Kantona Sarajevo

Član 1.

Predmet ugovora je nabavka usluga projektovanja, projektantskih usluga i usluga nadzora za potrebe Ministarstva unutrašnjih poslova Kantona Sarajevo, a prema tabeli prioriteta u prilogu ovog Ugovora.

Nabavka je izvršena na osnovu Odluke broj 01-11-4-3042 od 06.05.2022. godine i Obavještenja o nabavci broj 1364-1-2-52-3-32/22 od 01.06.2022. godine.

Ugovor se zaključuje u skladu sa uslovima iz tenderske dokumentacije, ponudom Dobavljača, odredbama Okvirnog sporazuma broj 01-11-4-3042 od 18.08.2022. godine kao i prema “Pregledu objekata i prostora MUP-a KS koje je potrebno adaptirati, sanirati ili rekonstruisati sa rokovima izrade”.

Ponuda Dobavljača, korigovana prema Izvještaju o toku i završetku e-aukcije, broj 2038/22 čini sastavni dio ugovora.

Član 2.

Ukupna vrijednost ovog Ugovora, prema Tabeli u prilogu, bez PDV-a iznosi 14.093,12 KM (četnaest hiljadadevedesetri i 12/100 KM).

Dobavljač se obavezuje da se ponuđene cijene, koje su date u ponudi u prilogu ugovora, neće mjenjati do isteka ovoga Ugovora, odnosno okvirnog sporazuma.

Član 3.

Usluga projektovanja, projektantskih usluga i usluga projektantskog nadzora za potrebe Ministarstva unutrašnjih poslova Kantona Sarajevo će se izvršavati prema rokovima koji su dati u tabeli koja se nalazi kao prilog Obrasca za cijenu ponude - “Pregledu objekata i prostora MUP-a KS koje je potrebno adaptirati, sanirati ili rekonstruisati sa rokovima izrade”.

Član 4.

Za usluge projektantskog nadzora, koordinacije i konsultacija, a u skladu sa izrađenom projektnom dokumentacijom svake faze pojedinačno ponuđač je u obavezi na kontinuirano pružanje usluga tokom trajanja cjelokupnog ugovora/okvirnog sporazuma (odziv 24 sata nakon poziva Ugovornog organa).

Dobavljač se obavezuje da ugovorenu uslugu izvrši u svemu prema propisima, standardima i normama kvaliteta koji važe za vrstu usluga koje su predmet nabavke.

Član 5.

Ugovorni organ će ugovorenu cijenu plaćati u roku od 30 dana od dostavljanja fakture i izvršenja usluga, odnosno dostavljanja projektne dokumentacije za projekte navedene u tabeli koja se nalazi u prilogu ovog Ugovora.

Projektna dokumentacija, potpisana i ovjerena od strane ovlaštenih lica Dobavljača, se dostavlja na adresu Sjedišta Ministarstva.

Član 6.

Dobavljač se obavezuje da će kontinuirano pružati usluge projektantskog nadzora, koordinacije i konsultacija, a u skladu sa izrađenom projektnom dokumentacijom svake faze pojedinačno tokom trajanja cjelokupnog ugovora.

Član 7.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka. Ugovorni organ će utvrditi razuman rok za ispravku propusta Dobavljača.

Član 8.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom i ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, ali ne duže od trajanja okvirnog sporazuma.

Član 11.

Ovaj ugovor izrađen je u četiri istovjetna primjerka, od kojih po dva zadržava svaka strana.

DOBAVLJAČ
"HP HIDROJEKT" d.o.o. Sarajevo

U direktor
Čaušević
Elim



Broj: 2082/11
Datum: 16.09.22



UGOVORNI ORGAN
MUP KANTONA SARAJEVO

PO OVLAŠTENJU PREMIJERA
ministar, Dr. sc. Omer Osmanović

Broj: 01-14-4-3042-5
Datum: 07.09.2022. godine